

Broj: 05-02-2-292-1/23  
Mostar, 07.03.2023.godine

Primijeno: 14 03 2023			
Org. jed.	ERG	Priloga	Vrijednost
0511	-02-	53	123

- Zastupnik, g- din Haris Silajdžić
- Zastupnički dom Parlamenta Federacije BiH, n/r Sekretara
- Sekretar Vlade Federacije BiH

**PREDMET: Odgovor na zastupničko pitanje zastupnika Zastupničkog doma Parlamenta Federacije BiH g- dina. Harisa Silajdžića; dostavlja se**  
**VEZA: Akt Vlade Federacije BiH, broj 03-04-229/23 od 24.02.2023. godine**

Poštovani,

Na sjednici Zastupničkog doma Parlamenta Federacije BiH postavili ste pitanje da li Ministarstvo smatra da Menadžment JP Željeznica FBiH ne obavljaju svoju osnovnu svrhu prevoza robe i putnika i povezivanja velikih gradskih centara u FBiH i da li zaslužuju da obavljaju takvu odgovornu funkciju.

Menadžment JP Željeznica FBiH izabran je na osnovu konkursne procedure koju je sprovodila Komisija imenovana od strane Vlade Federacije BiH koja je sa rang liste uspješnih kandidata dala prethodnu saglasnost za imenovanje sadašnjeg saziva Uprave JPŽFBiH d.o.o. Sarajevo. Smatramo da je Vlada Federacije BiH dala prethodnu saglasnost za imenovanje najuspješnijih kandidata koji su aplicirali na funkcije Uprave JPŽFBiH d.o.o. Sarajevo. Pokazatelj rada Menadžmenta i Društva je izvještaj o poslovanju koji se svake godine po usvajanju od strane organa upravljanja dostavlja Parlamentu na razmatranje, tako da ćete tada Vi moći odlučivati o radu Menadžmenta na šta trenutno Ministarstvo ne može uticati.

Što se tiče organizovanja prevoza roba i putnika isti je u nadležnosti JP ŽFBiH d.o.o. Sarajevo koji prevoz organizuje na principima ponude i potražnje sa pažnjom dobrog privrednika. Takođe JP ŽFBiH d.o.o. Sarajevo su dužne na zahtjev Vlade FBiH ili Vlade kantona obavljati željeznički prevoz i na dijelovima željezničke mreže na kojima se od prihoda ne mogu pokriti ukupni troškovi prevoza. Za obavljeni prevoz po zahtjevu Vlada FBiH ili Vlada kantona će nadoknaditi željeznicama razliku između ukupnih troškova prevoza i ostvarenog prihoda. Za povezivanje velikih gradskih centara bi trebale Vlade Kantona iskazati interes za obavljanje tih linija i izvršiti sufinansiranje nepokrivenih troškova prevoza na istim.

S poštovanjem,

Dostavljeno:

- Naslovu
- evidencija
- arhiva

**MINISTAR**

**Denis Lasić**